

# Oinsá atu halo Ita-nia qFIT (Testu kuantitativu ba Imunokímiku Tee nian)

Ita-nia doutór husu Ita atu halo teste simplés naran qFIT tanba Ita iha kabun moras ka problema iha teen boot (usus). Ita rasik bele halo teste simplés ne'e iha uma. **Ita sei presiza...**



Tubu teste nian (iha laran)  
Fatin atu ka'er Ita-nia tee, hanesan kaixa plástiku tuan ne'ebé moos.

Lapizeira  
Papel igiéniku (tisu toilet).

## Importante tebes

- Cek data baradu nian (expiry date) iha pakote. Se baradu (mate) ona, hameno pakote seluk ida
- Prenxe data ba loron ne'ebé Ita hetan sampel (dehan katak, tee ne'e) iha tubu liur, se lae, karik ami labele halo teste ba sampel ne'e.

1




2



Tau fatin atu kaer tee iha sentina laran. Keta husik tee atu kona sentina nia sorin ka bee.

3




Loke matan ba tubu hodi hadulas ba liman-karuk no hasai vareta (kesak).

4



Hatama vareta nia rohan iha tee nia laran. Iha vareta rohan, enxe kuak rua de'it (hanesan iha dezeñu iha leten).

5



Hatama fali vareta ba tubu laran. Taka metin tubu ne'e hodi hadulas matan ba liman-loos.

6



Keta haluha atu fase liman no cek katak Ita prenxe tiha data iha tubu ne'e.

7



Kuandu kompletu, hatama tubu teste ba iha mapa ne'ebé doutór fó tiha ba Ita, no lori fali kedas ba doutór – di'ak liu se lori fali iha loron rua nia laran

8

Hakerek iha Ita-nia kalendáriu data ne'ebé Ita entrega fali teste ne'e. **Iha semana ida tuirmai, kontaktu Ita-nia doutór hodi bele ko'alia hamutuk kona-ba rezultadu**

- Se Ita-nia rezultadu la normál karik, doutór sei husu Ita atu konsulta ho doutór seluk atu halo teste seluk tan
- Se rezultadu ba Ita-nia qFIT mak normál, maibé Ita-nia simtoma kontinua, troka, ka sai aat liután, entaun kontaktu kedas Ita-nia doutór.

Atu hetan informasaun liután, favór haree vídeo ho títulu How to collect your FIT Sample (Oinsá atu hetan sampel FIT), iha sítiu internét:

<https://vimeo.com/616801446>



Versaun 1 08/2021

**HSC** Health and Social Care